



# BRIDGING PEOPLES

**Avaliasaun Bazeline Projetu Agrikultura  
Sustentável no Empoderamentu Feto (SAWE)**

**Submete ba:**

**MARY MACKILLOP**  
*today*

# 1. Rezumu Ezekutivu

## Kontestu no Antezedente

Projetu Agrikultura Sustentável no Empoderamentu feto (SAWE) mak iniciativa multi-setoral subsistensia ida ne'ebé implementa husi Mary MacKillop Today (MMT). Projetu ida-ne'e estabelese iha dekada ida resin hosi envolvimentu comunidade iha Postu Administrativu Railaco, Munisípiu Ermera, no transforma husi projetu anterior ne'ebé foka de'it ba baunila, "Fini Esperansa", ba iha programa diversifikasaun subsistensia ida ne'ebe komprensivu. Projetu SAWE mos estende ba suku foun haat iha Postu Administrativu Railaco: Fatukero, Tokoluli, Lihu, no Matata.

Objetivu prinsipál hosi SAWE mak hadi'a subsistensia uma-kain rurál sira liuhusi koperativa multisetoriál ida ne'ebé inkluzivu no jere husi comunidade. Atu evita repetisaun ba limitasaun sira iha projetu pasadu, estudu baze ida-ne'e dezeña atu halo mapamento kondisaun ekonómika atual, estabelese enkuadramentu monitorizasaun, no identifika medida mitigasaun risku iha suku alvu foun haat ne'e.

Estudu baze ida-ne'e uza aprosimasaun partisipativu, inkluzivu, no bazeia ba forsa comunidade nian. Igualdade Jeneru, Defisiensia no Inkluziun Sosial (GEDSI) integra iha etapa tomak prosesu peskiza nian. Kolesaun dados uza kombinasan métodu kuantitativu no kualitativu, inklui:

- Análize lakuna no revizaun ba dados kontestuál ne'ebé MMT iha ona.
- Levantamentu iha nível uma-kain hamutuk 72 atu halo perfil estatutu sósiu-ekonómiku.
- Diskusaun grupu foku (FGD) 4 ho membru comunidade sira, inklui kalendáriu sazonal no lista subsistensia.
- FGD ida ho staff MMT atu apresenta dados iha nível comunidade no ko-dezeña workshop konsultasaun ho parte interesada.
- Workshop análise partisipativu internu ida ho ekipa terrenu MMT.
- Workshop konsultasaun parte interesada munisipál iha Gleno, Ermera.
- Entrevista semi-estruturada (SSI) 5 ho parte interesada xave sira seluk.

## Deskobrimentu Prinsipál

- **Perfil Sósiu-Ekonómiku no Pobreza:** Uma-kain sira ne'ebé partisipa iha levantamentu iha média membru besik ema 6 kada uma-kain. Vulnerabilidade ekonómia aas tebes; 65% hosi uma-kain sira tama iha liña **pobreza** nasionál, no 61% tama iha liña **pobreza** extrema internasionál (\$2.15/loron). Suku Matata sai nu'udar área ne'ebé hasoru difikuldade ekonómia maka'as liu (ho 90% hetan rendimentu menus hosi \$50 ba ema ida iha uma-kain), enkuantu Suku Lihu di'ak liu kompara ho seluk. Análize rendimentu mos hatudu momos katak iha lakuna rendimentu entre mane no feto. Feto barak laiha rendimentu rasik tanba sira **halao** responsabilidade

kaer servisu kuidadu ne'ebé la selu. Entre agrikultór sira, agrikultór mane iha média rendimentu \$187 kada fulan kompara ho \$81 ba agrikultór feto. Maski labarik barak ajuda inan-aman sira servisu iha to'os, 3% deit hosi labarik idade eskola mak la tama eskola tanba uma-kain depende ba sira-nia kontribuisaun ekonómia.

- **Sistéma Subsistensia:** subsistensia rurál domina husi agrikultura subsisténsia no komérsiu informál, ne'ebé depende maka'as ba kafé hanesan rendimentu osan prinsipal. Mane sira barak halo servisu todan koleta no hamos kafé, enkuantu feto sira dala barak responsabiliza ba prosesamentu no hamaran kafé. Tanba oportunidade servisu lokál limitadu, migrasaun ba servisu (hanesan ba Austrália, Korea do Sul, no Reino Unido) sai dalan popular ida ba mane foin-sa'e sira.
- **Poupansa no Empréstimu:** Membro comunidade sira hatudu interese boot ba grupu Poupansa no Empréstimu atu asesu kréditu ho kustu ne'ebé bele asesível no hadi'a jestaun osan. Sira prefere modelu ne'ebé lidera husi comunidade duke entidade mikrofinansa ho juru aas. Observasaun jerál, feto sira nia envolvimentu aas liu duke mane sira iha grupu Poupansa no Empréstimu.
- **Produsaun Agrícola no Obstákulu Merkadu:** Alénde e kafé no baunila, uma-kain sira kuda ai-horis no ortikultura oioin, hanesan batar, repollu, tomate, no rambutan. Maibé, fa'an kolektiva kuaze la eziste, no komérsiu barak akontese individualmente. Agrikultór sira hasoru obstákulu estrutural ne'ebe signifikativu, inklui kustu transporte ne'ebe makaas tebes, relasaun komprador ne'ebe fraku, no vulnerabilidade ba rai-halai iha tempu udan ne'ebé bele hapara transporte.
- **Vulnerabilidade Klimátika no Ambientál:** Produsaun agrícola hetan limitasaun tmakaas husi risku klimátiku sira, inklui bee menus iha tempu epoka, bee matan natural sira ne'ebe degradadu, erozaun rai hosi deflorestasaun, insendiu periodiku sira, no infestasaun peste sira.

## Rekomendasaun Estratéjika

1. **Uza Grupú Poupansa no Empréstimu hanesan Pontu Entrada Projeitu:** Rekoñese popularidade grupu hirak-ne'e, liu-liu entre feto sira, no uza sira iha inísiu projeitu atu harii konfiansa, hadi'a literasia finanseira, no introdús prinsipiu koperativa sira. Asegura matadalan sira ne'ebé transparente no estabelese salvaguarda hodi proteje uma-kain sira ne'ebe kiak liu husi risku dívida ne'ebe makaas liu.
2. **Investe iha Governasaun no Prestasaun Kontas Koperativa:** Harii sistema forte atu apoia governasaun koperativa ne'ebé dí'ak, transparénsia finanseira, no mekanizmu klaru ba prestasaun kontas; monitoriza ho besik no responde tuir prinsipiu jestaun adaptativu. Sosializa regulamentu no sistema hirak-ne'e regularmente ba membru sira hotu atu asegura sira komprende sira-nia direitu no responsabilidade.
3. **Promove Diversifikasaun Subsistensia ne'ebé Orienta ba Merkadu:** Promove to'os integradu, no asegura katak atividade subsistensia ne'ebé suporta iha projeitu ida-ne'e orienta ba demanda merkadu, la'ós produsaun de'it. Halo avaliasaun báziku ba merkadu antes apoia negósiu espesífiku ho valor adisionál, hanesan prosesamentu hahán. Fó de'it treinamentu tékniku kona-ba baunilla ba agrikultór sira ne'ebé bele kumpri kritériu rigorozu ambientál no tékniku, no ne'ebé bele hein tinan 3 to'o 5 antes lori produtu ba merkadu.

4. **Hametin Ligasaun ho Merkadu iha Etapa Inisiál Implementasaun Projetu:** Fasilita relasaun entre grupu agrikultór sira no sosa-na'in institusionál sira, no hametin komprensaun membru koperativa nian kona-ba papel no valór intermediáriu sira atu asesu merkadu di'ak liu. Aproveita modelu koperativa atu harii forsa negosiasaun kolektiva, halibur produdu, no hamenus kustu transporte.
5. **Hametin Partisipasaun no Lideransa Inkluziva:** Apoia feto sira atu asesu atividade subsistencia nian ne'ebé iha valor aas liu atu responde ba lakuna rendimentu entre mane no feto, no promove lideransa husi feto, jovem sira, no ema ho defisiénsia hanesan funsióriu koperativa nian atu hametin planeamentu susesaun?. Servisu hamutuk ho Organizasaun Ema ho Defisiénsia (DPOs) atu avalia asesibilidade fízika no apoia MMT no koperativa sira iha dezenvolvimentu estratéjia prátika kona-ba inkluziun defisiénsia.
6. **Integra Klimátiku no Mitigasaun Risku Seluk ba Planeamentu Subsistencia:** Promove ai-horis ne'ebe resiliente ba rai-maran no sistema agrikultura ne'ebé resiliente ba mudansa klimátika, inklui produsaun lokál ba pestisida no adubu orgániku, no téknika terraco/ka konsersaun bee iha nível lokal. Servisu hamutuk ho MAPFF atu antisipa presaan klimátiku no ka atake peste nian liuhusi akompañamentu kalendáriu sazónál, no uza konesimentu lokál atu halo mitigasaun risku no responde ba prezu klimátiku.
7. **Estabelese Sistema Forte ba Monitorizasaun, Aprendizajen no Jestaun Adaptativu:** Apoia jestaun adaptativu liuhusi kontinua hadi'a kalendáriu sazónál lokalizadu atu suporta planeamentu bazeia ba evidénsia, estabelese mekanizmu retroasaun/feedback komunidadade nian ne'ebé regular, no akompañá rezultadu inkluziun ne'ebé klaru no iha tempu naruk ba feto sira no ema ho defisiénsia.